


# 中國歷代法制典



貳

廣陵書社



# 中國歷代法制典

貳



欽定古今圖書集成  
第七十一卷目錄  
律令部彙考五十七  
皇清 欽定



祥刑典第七十一卷

律令部彙考五十七

皇清

康熙四十二年

吏部則例康熙四十二年四月初四日准咨一  
刑部為發審事山東清吏司案呈先據直撫李  
光地咨稱威縣吏員趙亮控告山東王家岡場  
大使趙亮即趙寧侯頂名赴任一案經本部以  
趙亮例應本省領憑赴任趙亮文憑因何在干  
王秀生之手又查假趙亮供係伊父與王秀生  
說合頂買秀生雖經身死伊父尚可質訊其代  
子贖買之處亦未議及等因咨行去後今據該  
撫咨稱趙亮文憑係王秀生在吏部遞呈于領  
的趙亮之父趙世祿向在山東開舖生理年已  
八十有五例不坐罪仍將趙亮擬以流罪等因  
咨覆前來據此除趙世祿年逾八十例不坐罪  
外假趙亮即趙寧侯依知情受假官者杖一  
百流三千里律應僉妻流三千里至配所折責

四十板但事犯在康熙四十二年三月十八日  
赦前假趙亮即趙寧侯應免罪再該撫咨稱趙亮  
文憑係王秀生在吏部遞呈于領的查吏員本  
省給憑定例已久秀生代趙亮在吏部具呈領  
憑之處理應查議但亦在  
赦前毋庸議仍知照該撫可也

一康熙四十二年八月二十三日直撫李准刑  
部咨為報呈事陝西司案呈據直撫李咨稱奉  
部咨發王氏控告劉清字等打死伊夫劉興仁  
一案於康熙四十二年六月十二日准刑部咨  
自應於准咨之日扣限相應咨明等因前來據  
此應令該撫以准咨之日扣限可也

又十一月二十九日准咨刑部為出首竊盜事  
貴州司案呈准直撫李咨稱吳橋縣監生閻福  
泰窩賊劉文輝等偷竊分贓一案緣福泰身屬  
監生難以定擬咨請禮部革去監生以便審訊  
今於本年五月二十一日始准部咨應以准咨  
之日扣限審結等因前來查該撫既稱閻福泰  
身係監生難以審訊移咨禮部革去監生當以  
准咨之日扣限據此應如該撫所請於准咨之  
日扣限可也

一康熙四十二年十二月二十日吏部奉  
上諭朕此次西巡看得直隸河南山西陝西四省接  
壤山西澤州人在河南懷慶府地方做官二處  
省雖有別相去不過百里不能無瞻顧伊兄弟  
親朋其直隸之人在河南接壤之處做官河南  
之人在直隸接壤之處做官甚多嗣後補授外

官將掣得地方與伊原籍五百里之外許其做  
官五百里以內者省雖有別仍應迴避欽此查  
嗣後選補官員界連省分應將直隸等各省候  
選候補知縣以上各官于每月二十日截缺後  
各該員將原籍住址及界連省分接壤相去現  
出之缺五百里以內者逐一分析具呈于二十  
四日過堂時投遞以便據呈選授若有以遠報  
近以近報遠希圖規避擇缺美惡者本部察出  
即指名題參其選補各官到任後仍行令該督  
撫嚴察如有捏報遠近之處即行題參到部議  
處可也

戶部則例康熙四十二年正月戶部覆川督華  
題特參推諉等事鎮彝訓導何謙托病規避應  
聽部議等語查定例委解顏料藉病推諉規避  
者革職應將訓導何謙照此例革職奉  
旨依議

一行在都察院溫為叩  
開事官得山東民人劉景遇等叩  
關狀告鄰城被災等事奉  
旨發臣查審欽此該臣議得據鄰城丁憂知縣楊清

政供我原係內閣教習因初次為官不曾經歷  
報災之事經巡撫行查被災之處但將水勢情  
形申報我以爲報災後逾一月委出驛縣知縣  
趙節會同查勘因卑濕之地水乾田地可以補  
種被沖房屋俱已修蓋不爲被災故出結申報  
是實等語楊清政係牧民之官將被災實情隱  
匿不報以致生民流離殊屬不合爲此將楊清

政革職責四十板不准折贖嶧縣知縣趙節係  
崇委查災之員理應親臨詳查止據楊清政印  
結轉報亦屬不合為此將趙節革職楊清政將  
被災之處隱匿不報是賈郟城縣應徵四十二  
年地丁銀若干兩應否照沂州郟州之例豁免  
伏祈

聖裁又據楊清政供杜家莊新村莊河堤沖決原不  
動用錢糧亦不申報上司俱係民夫修理去年  
秋季田地卑濕又遇冬冰不曾修理是實等語  
楊清政將此沖決之堤遲延不修理應議處但  
被災隱匿之處已經議處應毋庸議沖決河堤  
令該撫交與地方官設法修築等因於四十二  
年二月初二日題本月十一日奉

旨郟城縣地方被水災知縣楊清政隱匿不報河堤  
沖決民地被災並不申報上司速行修理殊屬  
可惡著將知縣楊清政革職責四十板杜家莊  
村二莊河堤著落楊清政家速行修理如不  
速行修理完結者題明即行正法將被水災之  
處該撫布政司並不詳查題明亦甚屬不合著  
一併嚴加議處具奏餘依議該部知道

又六月一刑部為揭報虧空事該本部議得保  
定府革職知府祖允嘉虧空庫銀一案准吏部  
尚書管理直隸巡撫事務李光地疏稱祖允嘉  
虧空銀共五千一百六十七兩一錢零內那墊  
兵餉等銀一千八百四十一兩二錢五分零已  
經各屬解補雖係因公所用難辭擅挪之罪又  
前任知府借給各官銀一千二百一十八兩一

錢四分零允嘉俱經催還但先交代時前官並  
無未清項款允嘉已經出結詳明似難諉卸又

扣收駐防鄂爾親銀四兩已經還項外尚應存  
庫銀二千一百三兩六錢零雖據允嘉供稱貯  
入私宅以便不時需用等語但錢糧不貯官庫  
擅存私宅交代時又不即行交出雖無移難  
辭侵欺之咎被參後將錢糧旬日全完其情理  
可原並無別例可引祖允嘉除那移輕罪不議

外祖允嘉應照監守自盜錢糧二百兩以上例  
擬斬監候但被參後將錢糧限內全完應免死  
減等今遇熱審又減一等枷責應否從寬聽候  
部議等因具題前來查該撫因祖允嘉將貯庫  
銀兩擅存私宅照侵欺擬罪減等應照該撫所

擬議罪但祖允嘉侵欺庫銀入己之處並無實  
據且旬日內即將錢糧交庫祖允嘉又罪犯在  
康熙四十二年三月十八日

赦前應免罪不行稟阻之庫書李雲桂亦應免罪  
仍革役等因康熙四十二年六月初十日奉  
旨依議

又六月一吏部咨查先經本部查明官員承追  
雜項錢糧俱限一年催完若不完照例參處近  
見直省各督撫將承追錢糧未完各官報參由  
各部核明交議有扣一年之限者亦有扣四個  
月之限者事屬不一移咨戶部核明以便畫一  
定議去後今准戶部咨稱承追雜項錢糧俱照  
例扣一年之限等因咨覆前來相應通行直隸  
各省督撫嗣後除承追河工銀兩仍照現行限

期遵行外其餘一應不作分數之雜項錢糧俱  
應遵照定例扣一年之限追完如年限已滿不  
完者照例題參

又七月十七日准咨一吏部咨覆浙撫張咨稱  
凡一切承追案侵那虧空與河帑屯餉并外  
省咨追等案以及本省地丁漕項正賦錢糧初  
參覆奏年限總以本年三月十八日為始實成  
各官督催如例限一年者扣至四十四年三月

十七日為滿例限半年者扣至本年九月十七  
日為滿例限半年者扣至四十四年九月十七  
日為滿例限兩年者扣至四十四年三月十七  
日為滿過期不完開列承追職名分別咨題參  
處等因前來查康熙四十二年三月十八日

恩詔內各官有因公註誤參罰事件俱經註銷在案  
其赦後各項錢糧未完應如該撫所咨于本年  
三月十八日以後扣限題參應通行直省督撫  
照例畫一遵行

又九月一刑部題覆提督單送事一案查張文  
魁娶妻大孩子係已正法吳于學家人子學妻  
董氏將子福壽女五姐并家人七口送與原任  
護軍校伊塔伊即阿隱廟將五姐配與遼州知

州呂魯龍為妻福壽女存姐聘與河南民李良  
佐為妻均應入官奉

旨事屬年久李良佐所聘存姐等從寬免其離異  
又十二月戶部等會議得四十一年十一月二  
十五日奉

上諭各府州縣經管錢糧官員虧空庫銀理應照定

倘處分賠補其虧空徵糧存倉穀石者既經賠完仍行治罪似屬太過且各州縣存貯米穀甚多倉廩不能盡貯在各處分貯且南省地方又係潮濕米穀易至霉爛爾等應與九卿會議具奏欽此九卿會議凡官員將存倉一應米穀徵糧虧空者該督撫題參仍照例革職留任一年賠補賠完免罪復職如逾一年不能賠完者解任再限一年賠補賠完仍准復職如二年外不賠完者照定例擬罪著落家產追賠等因奉旨著行文各省督撫等照此議行可否之處各定議具奏欽此今據直省督撫定議具題奉

旨直隸各省督撫所題官員虧空處分之事九卿偕事科道會同一併詳確議奏各本併發欽此查宋榮喻成龍張泰交阿山金世榮桑格梅錦石文晟王燕巴錫爾永藻郭世隆施世綸郭秀王國昌張志棟齊世武貝和諾王國安等疏稱奉上諭九卿會議州縣官員虧空徵糧倉穀者限年賠補免罪復職定例甚屬允當俱屬可行等語查江南督撫等既稱限年賠補免罪復職甚屬允當等語應照九卿前議遵行又廣撫彭疏稱徵糧倉糧限年賠完免罪復職甚屬允當但買穀還倉不嚴以扶捏連坐處分弊滋甚矣應於補完日該管府道出具印甘結申繳藩司督撫存案再有虧空發覺一併議處等語應如所題嗣後各省州縣虧空徵糧倉糧實在賠補完日令該管道府出具實在賠完印結報明藩司督撫存案倘再有虧空發覺將府道一併議處又陝

撫鄂疏稱虧空徵糧倉糧止數千石者易於補苴應照廷臣所議若虧空一二萬石者仍留任賠補恐不肖官員自顧功名派累小民亦未可定臣以為虧空一萬石以上者應革職解任亦限二年賠完復職另補至各州縣米石有散寄庵廟民房者督撫以下州縣以上應酌量捐俸添造倉廩等語查虧空徵糧倉糧原無定數若虧空多者不准留任恐被參官員不復顧惜功名任追無補所欠倉糧反歸烏有若恐留任私派里民現有私派處分定例應將所題之處毋庸議其各省州縣倉廩如有不敷該督撫勸諭各官捐造給與紀錄以示鼓勵仍造冊報部奉旨依議

禮部則例康熙四十二年三月十八日皇上五旬萬壽款款一凡官吏兵民人等有犯除謀反叛逆子孫殺祖父母父母內亂妻妾殺夫告夫奴婢殺家長殺一家非死罪三人採生折割人謀殺故殺疊毒魔魅毒藥殺人強盜妖言十惡等真正死罪不赦外及修造

宮殿陵寢工程不固冒破錢糧製造戰船軍器等項不堪用糜費錢糧軍機獲罪貪官衙役犯賊監守自盜冒借官庫銀兩拖欠錢糧漕糧侵盜漕糧騷擾驛遞奸細光棍誣告叛逆放火因姦致死人命罪犯亦在不赦別項死罪俱減一等此內有闕毆殺人者仍照例追銀四十兩給付死者之家其餘自康熙四十二年三月十八日昧爽以前

已發覺未發覺已結正未結正咸赦除之有以赦前事告許者以其罪罪之

一地方有豪紳劣衿衙胥積蠹或覓本身田地差徭或包攬他人田地徭丁代為規避偏累窮民莫此為甚該督撫行文各地方官秉公嚴察如有此等情弊重加懲處

一天下騷擾者累凡乘傳員役騷擾騷擾者著該督撫立行參處如有容隱一並治罪

一凡地方災傷已經察勘蠲免賦役者有司不遵仍行濫派及但免有力之家致窮民不沾實惠者事發決不饒恕

一地方大小官員當以仁慈為本妄聽奸民捏辭誣告以致陷害良民其害更甚於貪如各省督撫以下及有司官員有濫受詞狀貽累善民者事發定從重治罪

一濫動軍刑舊有嚴禁有司官員有因小事輒行夾審並違例妄用非刑者該督撫即行察參具奏從重治罪

一雜派項款應求行禁革以安民生該督撫嚴察禁革如有仍前濫征者或經參奏或被發覺定行從重治罪

一撫兵原以為民兵丁專賴糧餉養生各省兵餉皆不實給以致兵不精銳且多失所應嚴行申飭著各撫提鎮不時稽察禁革如有仍前虛冒扣剋不實支給者定行從重治罪

一督撫題補各官原從地方起見或受任之後有行事更變乖張貪縱虐民者該督撫不時體

訪據實奏奏勿以係朝廷特用大臣保舉瞻顧偏徇如故行隱庇別經發覺將該督撫一件從重治罪

兵部則例一康熙四十二年九月兵部覆湖提俞疏查定例內營員如有侵尅暴虐許各兵赴督撫提告理若不奉行告理擅自聚譁者將倡亂兵丁正法等語今楚省悍卒感小恩而昧大義輕功令而重黨同挾制該管官弁習以爲常無論本官有無情弊皆由督撫提止却奈處將弁兵不察究兵丁日以驕縱將弁難以制服嗣後該管官弁若有扣尅情弊兵丁不赴上司告理妄行挾制本官仍私聚譁者照例正法至於司兵之員扣尅等弊不報許該管上司嚴查題參革職提問治罪上司不行查出破人首告一併治罪又查督撫提係封疆大臣安撫撫綏兵民是其專責不時嚴行約束飭諭務期地方相安無事奉

旨依議

一刑部爲欽奉

上諭事該臣等看得據福晉金疏稱定海鎮標右營參華遊擊陳謀性情偷安不力行巡防洋盜致四十二年十月洋商陳信等船被盜劫陳謀茫無知覺事前不能巡察事後不能追擒陳謀合依守邊將帥懈於守備被賊侵入境內擄掠者律發邊衛充軍等因具題前來查行劫洋商之強賊雖未登岸擄掠人民但商人連被盜劫陳謀茫無知覺將陳謀應比照守邊將帥懈於守

備被賊侵入境內擄掠人民者杖一百發邊衛充軍律食妻發邊衛充軍至配所杖一百折責四十板奉

旨依議

又十月一刑部覆川督華題覆逆犯鄧發蘭一案先據甘撫齊疏稱鄧發蘭係已正法鄧向日之子二十年間隨父反叛脫逃於三十九年投首應擬凌遲具題奉

旨這案歷年已久著總督華題確審具奏欽此行據該督既稱鄧發蘭被伊叔挾制從賊又赴縣投

首與四十二年三月十八日

赦款相符應將鄧發蘭免死釋放窩隱之鄧發相

不行查首之鄉地并失察之地方各官俱

赦前免議奉

旨依議

又十二月一兵部等覆福晉金疏稱外洋爲盜不能拾內地以造船是盜之源則在於船若如嚴造船給船之法庶奸究難施等因前來應如所題嗣後漁船止許單桅標頭不得過一丈桅水人等不得過二十名取魚不許越出本省境界未造船時先行具呈州縣該州縣詢供確實查取澳甲戶族里長鄰佑當堂書押保結方許成造造完之日報縣親驗明白印烙字號姓名併將舵工水手一體查驗取具澳甲長船戶保結然後給照其照內仍將船戶舵水年貌籍貫開列庶使汛口地方查驗如有違例船戶實四十板徒三年船隻入官承驗之州縣降二級調

用加級紀錄不准抵銷舵水人等如有越數多帶或鬼名頂替者船戶責三十板徒二年頂替之人嚴究如無他故止杖一百汛口文武盤查不實亦降二級調用內有夾帶硝磺等物接濟者本船戶即以通賊論擬斬舵水知情同罪不知情責四十板流三千里保甲之人各責四十板徒三年承查取結之州縣官革職汛口盤查之文武俱革職如係賣放革職杖一百流二千里其內港取魚五六人之小船仍照常例以行至於商賣船隻許用雙桅其標頭不得過一丈八尺舵水人等不得過十七人一丈二尺標頭者不得過十四人於未造船時亦具呈該州縣必須取供嚴查確係真正殷實良民親身出洋船戶取具澳里甲族各長并鄰佑當堂書押保結然後准其成造完該州縣親驗標頭紅具等項不得過限多帶並將舵工水手一一查驗取具澳甲長鄰佑船戶當堂書押保結并將船身印烙字號姓名然後給照照內將在船之人詳開年貌履歷籍貫以備汛口查驗其有標頭過限并多帶人數鬼名頂替以及汛口盤查不實賣放者罪名處分俱照漁船各加一等惟夾帶違禁接濟物件其罪名處分之處與漁船一例其有謀利之富民自造商船租與他人及寡薄無賴之人租船者俱一例同科責四十板枷號三個月失察之州縣各罰俸一年明知造船受租而容其違者降二級調用再各處商船往東洋者必由定海鎮所轄之要汛掛號而出往

咬嚼吧呂宋等處之船必由澎湖南澳所轄之要汛掛號其或由閩入浙由浙入閩者則必經定海黃巖溫州閩安海壇廈門澎湖南澳各鎮協所轄之要汛掛號以行如有踰越外洋者查獲之日船戶舵工各責四十板枷號三個月設被劫失不作盜案若其商船原准帶軍器以防不虞以後砲火不得過兩位鳥鎗不得過八桿片刀腰刀不得過十五把火藥不得過三十觔所有器械俱須鑒蓋船戶姓名號數仍開載於照票之上其稅關先須驗查州縣印照明白方許給牌如有妄給照州縣給照之例處分備汛口盤查掛號文武官弁勒索并疎縱者事發之日俱降一級調用所有先經在洋行駛之船大者亦俱呈明改造合式者查明換照又如隔縣別府外省之人欲造船者必於各該縣呈明查確該縣具印結申詳督撫轉飭沿海造船地方州縣成造仍照例查驗舵水杠具刊照號數姓名以行其違犯之罪名處分俱照商漁船隻一例遵行如有不遵例報官私行偷造者責四十板徒三年失察之州縣汛口各官降一級調用又十二月一兵部覆福督金疏稱洋盜肆劫無忌漸滋蔓延長則重係邊防官兵怠玩習成振刷機宜須隨時通變沿海各營洋面有島有嶼則宜另為派定船隻以將備帶領常川駐守其餘各汛以千把遊巡如有一年之中該營汛內致失事一二案者仍照例以盜案參處其失事至三四案者千把革職副將叅遊降二級留任圖

功倘能擊獲盜船仍與開復至五六案者降四級調用七八案者革職至總兵為官兵之大帥邊海之要臣亦當律以處分倘所屬營內共有失事十案者降二級留任圖功至十案以外者降二級調用再查守備例不作兼轄但水師與陸路不同守備有帶兵輪防哨巡之責亦應與參遊一例處分更有請者水師營伍衝冒風浪防勦機宜所關重大必須諳練精健之才方堪勝任嗣後缺出除有真知灼見之人仍照例保舉補授倘乏邊海幹材懇乞

天恩將記名之員特賜補用所資裨益弘多也容於部文行臣之日將分防扼要之處選委賢能道府協同各鎮躬歷海洋備閱形勢分布核定造冊咨部查考至於文職有司無營伍哨巡之責遇有盜案仍照定例遵行等因前來均應如該督所題可也奉

旨依議

刑部則例一康熙四十二年三月十五日准咨戶部為呈報事江西司案呈查得直撫李咨稱江西解官吳弘謨在任丘縣鄭州黃明店失靴一案因弘謨不親身管押不投站住宿以致被竊此疎忽之咎實在解官應令賠還等因本部行令江撫查明報部去後今准江撫咨稱吳弘謨領解餉銀一路親身押解按站住宿當晚查點二百四十鞘次早點少一鞘該縣出有印結等語又准直撫咨稱江西解官吳弘謨失靴一案當署縣之知縣出結不過結其失竊是真但

吳弘謨既不親身管押又不按站住宿以致荒店竊失查從前山東解官買雲領解錢糧至新城縣縣堂交卸失少銀鞘曾經會議解官賠四分地方官賠六分完結在案吳弘謨係在店疎失非買雲可比令解官賠六分任丘縣賠四分疎防之官應免揭參等因前來查吳弘謨失靴之時該地方官既出印結送部失竊是真不便照直撫所請相應照買雲之例地方官賠六分解官賠四方其分賠銀兩仍令該撫速行追賠解部可也

一刑部為知照事雲南清吏司案呈先據懷柔縣申稱葛各莊居住旗人王大利因服酒身死將伊妻龔氏并被犯楊盤子等解部審理等語續據內務府咨送正黃旗打百戶王任告旗人董六承領伊僕楊盤子等將伊叔王大利打死一案本部發與直撫審明去後今據直撫李咨稱正黃旗人楊盤子緣康熙四十一年六月二十日至王大利家索取柴斧與王大利之妻龔氏相毆大利聞聲赴援亦被楊盤子拳毆大利懷忿欲思自盡遂向伊妻索取鹽酒飲服龔氏復令伊子王觀將大利負至楊盤子家當夜畢命楊盤子合依威逼人致死律杖一百王觀王任俱應照誣告人死罪未決律各杖一百流三千里加徒役三年龔氏合依不應重律杖八十不准收贖枷號發落等因前來據此楊盤子合依因事威逼人致死者杖一百律係旗人鞭一百王觀王任俱合依凡誣告人死罪未決者杖

一百流三千里加徒役三年律係旗人各枷號一百日鞭一百襲氏雖係伊夫王夫夫利自欲飲酒而襲氏不行堅阻亦應照不應重律杖八十不准收贖係民人折責三十板但事在康熙四十二年三月十八日

赦前楊鑾子名下王觀王在襲氏均應免罪仍向楊鑾子追埋葬銀一十兩給付死者之家其董六等眷係無干毋庸議

一刑部為彙題直隸遇赦減等死罪人犯事廣西清吏司案呈奉本部送刑科抄出本部題前事內開一起何二小毆死無服族弟何黑毛一案據直隸巡撫李光地將何二小照同姓服盡親屬相毆致死以凡論律審擬絞罪並存雷養親奏

請定奪具題一起王德孝扎死龐展一案據直隸巡撫李光地將王德孝照圖毆殺人律審擬絞罪具題前來以上何二小王德孝所擬之罪俱與例相符應照該撫所題擬罪但遇康熙四十二年三月十八日

恩赦何二小王德孝均應免死減等食妻流三千里至配所各折責四十板何二小免死減等照例枷號兩個月責四十板准其存雷養親以上毆殺人之何二小王德孝各名下俱追埋葬銀四十兩給付死者之家等因康熙四十二年四月初二日彙題初四日奉

旨依議 附巡道原詳巡道看得何二小與何黑毛同宗無服弟兄也俱係重親素相頑要緣黑毛

曾欠二小夥計烟錢一文未楚於康熙四十一年八月十七日黑毛攜錢納糧適遇二小索討前欠黑毛以非從伊手掣烟堅不肯與二小輒恃平日頑要之習拳毆黑毛胎膊後肋等處當有黑毛之母楊氏聞聲出視見伊子被毆倒地扶歸移時殞命該縣驗傷通詳飭審茲據該縣府審擬招解前來本署道覆訊各犯供詞俱與原招照合查何二小與何黑毛係同宗無服兄弟不便照依府擬應改依凡同姓服盡親屬相毆致死律擬抵不枉餘屬無干應請省釋但何二小之父何金海據稱年已六十一歲伊母王氏年亦六旬僅止二小一子並無以次成丁該縣府覆查無異出具印甘各結呈請雷養查名例內開凡犯死罪非常赦所不原者而祖父母父母老疾應侍家無以次成丁者開具所犯罪名奏聞取自

上裁等語今何二小果係父母年老無以次成丁而所犯罪名亦非常赦所不原實與名例相符應請憲臺發入疏內題明以聽

皇恩浩蕩合將送到印甘結一併呈送伏候憲裁院批仰候核題何二小父母年未到七旬以上於侍養之例不合該道是否另有可據案例仰查覆繳頂詳巡道查得名例老幼收贖凡年七十以上十五以下犯罪收贖等語是凡稱老者應在七十以上也明矣第查雷養條內開凡祖父父母老疾應侍家無以次成丁者開具所犯罪名奏聞並未指定年歲蓋因老固艱於生育

疾亦難於子嗣是或老或疾果係丁單均係應侍之人今何二小之父母雖未滿七旬據該縣府查明均係癆症止有二小一子似與雷養之例相符故本署道於原招內詳請敘入題明蒙憲臺批今年未七旬以上於侍養之例不合是否另有案例查覆等因仰見慎重周詳至意本署道遵即細查康熙三十九年四月內寧津縣人犯孫文學等私鑄案內匠人袁士德之父袁雲甫年止六十三歲家無以次成丁袁額存雷養親蒙憲臺題明奉

旨准其存養在案今何二小父母年未滿七旬正與袁雲甫事同一例可否敘入疏內准其存養擬合呈請憲臺核奪批示遵行

一刑部為直省所題奉赦應減等人犯彙題事福建清吏司案呈議得一起趙永登毆死杜三據直隸巡撫李光地將趙永登照圖毆律審擬絞罪具題一起馮十子扎死王三據直隸巡撫李光地將馮十子照圖殺律擬絞絞具題一起楊文謨毆死張遇據直隸巡撫李光地將楊文謨照圖殺律擬絞絞朱善任復史得功楊本顧李時張奇山擬杖具題以上三起該撫所題之處俱與律相符今遇康熙四十二年三月十八日恩赦趙永登馮十子楊文謨應免死減等食妻流三千里至配所杖一百各折責四十板仍向趙永登馮十子楊文謨名下各追埋葬銀四十兩給付死者之家朱善等均應免罪等因康熙四十二年四月初二日題初四日奉

旨依議 附道詳巡道梁世勳看得滿城縣人犯楊

文謨等毆死張遇一案緣已延張遇於康熙四十一年七月十五日同伊姪張奇山井王姓一人住宿楊本顧店內及至三更張遇撬開店門令姪奇山同王姓收拾行李先行遇在店內喊叫被賊竊去銀錢店主楊本顧驚覺喊賊時文謨正在巡更隨同鄉保朱善等追尋王姓遁逸無蹤當將奇山趕回並拾取被窩口袋奇山即對衆備言伊叔張遇素行不端身邊並無財物文謨隨於張遇口袋內搜出鐵壓鐵針等物已知張遇本屬匪人欲行訛詐遂釋奇山而捏張遇文謨先用木拐毆張遇右肋致命復用木棍亂毆臂腿等處朱善等亦各相助毆以致張遇傷重次日殞命當據該縣驗傷通詳飭審嗣據該縣府審擬招解經署道親訊文謨等有張遇拒捕得病身死之供與原招互異駁令覆訊茲據該縣府訊明招擬解審前來本道庭訊之下文謨等分認共毆情形悉與初招脗合其稱張遇從前拒捕及得病身死等語俱屬妄供查文謨等奉公巡夜雖非無故行兇者比但張遇罪不至死而後助致命楊文謨既自認毆傷應照共毆人因而致死以致命傷為重絞抵不枉朱善任復毆無致命史得功雖未助毆但先行繩拴各照餘人滿杖奚辭店家楊本顧不行勸阻鄉約李時倫安不同看守屍姪張奇山未事之先聽從伊叔指使先行臨解又復脫逃均照不應杖儆足蔽厥辜抑本道更有請者張遇以

行旅之人端帶鐵壓鐵針行藏匪則復又詭稱失去銀錢欲行訛詐文謨奉公守夜責在稽查一時公忿所激不自覺其下手之重耳其與妄行逞兇毆斃人命者相去徑庭按律固所不宥論情實有可原應否恩開解網將楊文謨一犯比照已就拘執而擅殺之條杖徒登落是在憲臺法外之鴻慈非本道所敢擅便也

一直隸巡道梁世勳查得旗人孫經明等在大興縣屬長城堤被奪一案前據該縣詳蒙憲臺批令速取疎防職揭送案等因遵即移准霸昌道行據東路廳呈據大興縣申稱旗人孫經明於康熙四十一年十一月十九日自京回家行至孫猴長城堤地方時已昏暮於路傍土濠坑邊遇有步賊二人手執木棍將經明打下牲口奪去被奪等物實與中途搶奪人少而無兇器之律相符並非強劫可比所有疎防職名應請覈行查取等情由霸昌道移會前來本道備查康熙三十九年間宛平縣官廳風口巷地方賊犯劉八等搶奪布客李譽輝一案又康熙四十年間大興縣馬峰溝地方賊犯劉五等搶奪董二一案俱經陞道審明於招內聲明係屬搶奪應請免參疎防蒙憲臺先後批允如詳在案今孫經明一案既據霸昌道查明搶奪情真實與李譽輝等案事同一例所有疎防職名自應俯如該道所請免其揭參今准前因擬合詳請憲臺核奪批示除一面移取該道廳縣印甘各結到日另文呈送存案外等因於康熙四十二年

四月初八日奉院批仰速取該管道廳縣印甘各結呈送核奪該道即取結詳送於六月初六日奉院批據送印甘各結存查仍飭緝賊賊務獲審解繳

又五月初二日准咨一刑部為呈報拏獲審馬事江西清吏司案呈先據直撫李右相已正法賊王大即大頭王四即五十一行劫固安縣太監侯錫爵案內未獲賊物例應照追給主但王大即係兩藍旗包衣胡什佐領下三等護衛八十家人王四係兩藍旗蘇格佐領下另戶人伊主伊父住居京城相應著令本佐領查追變賠等因到部本部隨行文該都統追賠去後今據兩藍旗滿洲都統咨稱另戶王四名下追得家產變賠銀一十兩大頭並無伊自置奴僕財物及自買之妻無可追變相應咨送等因前來查定例內家僕為強盜賠償所劫之物將伊自置奴僕財物等件盡行賠償如不足將賤自買之妻變價賠償等語今大頭並無自買奴僕財物及自買之妻應免其追賠其王四名下家產已追變銀一十兩交與提塘送至直隸巡撫給失主侯錫爵收領仍知照本部可也

一刑部為報明事該本部會同院寺會看得強賊韓四等行劫新城縣所屬南宮井村居住旗人胡大海家一案准吏部尚書管理直隸巡撫事務李光地審明脫逃首賊謝二一年限內未獲將韓四等擬以斬罪具題前來查逸賊謝二素知胡大海家道殷實路過大海同村民人高

文學詢知大海家賣了猪遂與現復賊韓四在未獲賊王德家商謀行劫又糾合現復賊劉二張一同已獲取供後越獄脫逃之劉三徐天一及越獄復獲之王基併未獲逸賊王鬍子同夥九人於康熙三十七年十一月初三日夜各執器械齊至事主之門踰牆入室捆毆失主搜出衣服銀錢等物分賊而散失主傷已平復於康熙三十八年一月初四等日將賊劉三等陸續擊獲該撫歷審各認情真據此韓四劉二張二王基合依強盜已行而但得財者不分首從皆斬律均應斬立決張二係另戶旗人應解部正法已獲贓物給還失主未獲贓物將各盜家產變賠還賊謝二王德王鬍子劉三徐天一嚴緝獲日另結其正紅旗馬連佐領下另戶張二併廂紅旗丫頭佐領下披甲人董柱家人韓四俱係逃後為盜王基之主正紅旗木善佐領下閒散人克什兔已經病故均毋庸議外劉二為盜情由伊主廂紅旗成哥代佐領下撥什庫馬庚阿應照例治罪但事犯在康熙四十二年三月十八日

赦前馬庚阿應免罪再該撫既稱高文學有無通線分贓應俟候緝獲謝二之日質審歸結據此應將高文學暫行候候謝二緝獲之日質審歸結又該撫疏稱盜犯劉三等越獄脫逃其該管官併此案奉審遲延之官已經題參議處在案等語應無庸議查此案賊犯同夥共九人現復賊僅止四犯何得將越獄脫逃劉三徐天

一作為已獲賊數指稱獲盜過半據此應仍令該撫嚴緝俟獲劉三等之日再議可也等因康熙四十二年五月十八日題二十日奉

旨韓四王基俱著即處斬劉二張二俱從寬免死照例減等發與黑龍江新滿洲披甲之人為奴當差務期嚴押解到餘依議

一刑部為報明事會看得霍全等謀死王黑子一案據吏部尚書管理直隸巡撫事務李光地審擬絞徒具題前來查已死王黑子曾偷無主馬一匹托脫逃之蘇進忠代賣黑子得錢三千文其餘三千蘇進忠與馮天雲霍全分用後黑子因索討欠錢不得聲言出首蘇進忠畏懼遂起意與霍全馮天雲商謀殺害康熙四十一年三月二十七日霍全與王黑子等同往趕廟天晚遂宿野馬村地方空屋內進忠乘黑子睡熟磚擊左右耳竅呼起霍全將王黑子按住縛手又取石拴其手上以致王黑子立時氣絕馮天雲於黑子死後取其裹脚布綁其兩腿棄屍井中而散後據馮天雲自首關獲霍全該撫歷審各認情真據此霍全合依謀殺人從而加功者絞監候律應擬絞監候秋後處決馮天雲合依知人欲告而自首者減罪二等律應減罪二等遇熱審又減一等應杖八十徒二年但馮天雲事犯在康熙四十二年三月十八日

赦前應免罪各犯所得之錢照追入官應移咨該撫將為首脫逃之蘇進忠勒限嚴緝務獲另結可也等因康熙四十二年五月十九日題二十

二日奉

旨霍全依擬絞著監候秋後處決餘依議

此案先據河間府將馮天雲擬謀殺加功絞殺後改擬流罪並報知人欲告自首律杖徒部遇赦免罪

一刑部為報明事刑科抄出廣東巡撫范題前事奉

旨三法司核擬具奏該臣等會看得康阿子等搶劫林拔先等魚網一案據廣范疏稱已故犯人朱阿會與康阿子俱採捕營生四十二年五月十九日阿會頓起雄心搶奪其網阿子用竹鎗刺傷拔先手腕潛至東草港內又見李阿友張燈照魚阿會復往奪其魚阿友喊叫登被阿會揮刀砍死鄉壯蘇鳳箱等聞喊追搶二犯拒逃不及當場擒獲歷審情真除朱阿會禦敵受傷在監越四日殞命不議外康阿子合依強盜殺傷人律斬決梟示但該犯雖執有兇器而同夥實止二人所奪不過魚網應否以搶奪末減出自

皇仁等因具題前來查律內人少而無兇器為搶奪人多而有兇器為盜劫等語今康阿子與朱阿會起意搶奪所奪不過魚網並無截劫財物且持刀砍死李阿友之首犯朱阿會因擒獲時受傷在監身死康阿子雖持竹鎗刺中林拔先手腕但林拔先傷已平復除朱阿會身死不議外康阿子合依凡搶奪傷人為從律應食妻流三千里至配所杖一百折責四十板已獲魚網給還原主其追搶擒獲賊之鄉壯蘇鳳箱等該撫

已經給賞毋庸議再該撫成稱監斃朱阿會之管獄官係饒平縣典史賀可昇相應附參但該犯拒捕受傷身死與監斃有間合併聲明查定例內州縣監獄吏目典史專管若監斃一人者罰俸三個月等語應將饒平縣典史賀可昇照例罰俸三個月奉

旨依議

一刑部咨議得強盜俞大等行劫上元縣城內居民葉德馨家未得財一案據江寧巡撫朱將俞大等審照干係城池律擬斬立決臬示等因具題刑部等衙門將城內行劫未傷人未得財之盜犯俞大等充發黑龍江等因議覆具題奉旨九卿詹事科道會議具奏欽此查強盜俞大等在上元縣城內行劫不便將伊等發黑龍江應如該撫所題將俞大劉漢祥大漢陸禿子唐一德巴二達子合依強盜打劫干係城池不分會否得財俱斬梟示律均應斬立決臬示此內另戶人解部正法餘仍照刑部等衙門前議可也康熙四十二年六月初三日奉

旨俞大劉漢祥大漢陸禿子唐一德巴二達子俱著

即處斬梟示餘依議

一刑部為據實呈報事該本部會同院寺會看得田育柱毆死王擎一案准吏部尚書管理直隸巡撫事務李光地審擬校杖具題前來查田育柱胞兄田育梓於康熙四十一年正月十八日邀請王擎許玉等飲酒王擎與許玉戲謔爭嚷王擎回家率同伊弟王鼎王舉併伊母舅高

四水齊赴許玉之門辱罵並及田姓田育梓田育柱出與理論共相爭毆高四水以棒槌毆許玉頭顱育柱以拳毆王擎腮頰等處復拾磚擲傷王擎頂心偏左許玉又往街上嘍罵王擎疑為許玉率眾赴毆倉卒登房失足墮地扶同調治不痊越十五日殞命屍弟王鼎同伊叔王三翦子並屍子王大哥將王擎身屍抬至田育柱家內王舉復同伊母高氏嫂崔氏毀其家伙木主王擎雖有跌傷係田育梓磚傷身死該撫歷審各認情真據此田育柱應照關毆殺人律擬絞監候在場助勢之田育梓起釁之許玉移屍之王鼎王三翦子及毆人成傷之高四水毀壞神主之高氏崔氏均應照律擬以杖笞但伊等事犯在康熙四十二年三月十八日赦前田育柱應免死減等食妻流三千里至配所折責四十板仍追埋葬銀四十兩給付死者之家田育梓等均應免罪等因康熙四十二年六月初五日題初十日奉

旨依議

原指內田育梓依餘人律杖一百許玉王鼎王三翦子俱依不應重律杖八十高四水依毆人成傷律杖四十高氏崔氏俱依毀廟律杖九十

又六月十七日准咨一刑部為乞天法究殺死人命事雲南司准直撫李咨稱賈進孝至尹文秀家被殺一案本部咨行直撫將脫逃之王自貴嚴緝務獲審明報部去後今據該撫咨稱起母之王自貴徧加羅緝並無蹤跡其案內之尹文秀侯率獲王自貴之日待質之犯已經監禁五載今遇

詔援赦咨請釋放等情前來查該撫既稱尹文秀係賈進孝被殺案內監候對質之犯今遇康熙四十二年恩赦應如該撫所請將尹文秀暫取的保候率獲王自貴之日再行質審仍知照該撫可也一兵部為欽奉

上諭事職方清吏司案呈奉本部送兵科抄出該本部彙題前事內開一件為呈報事查先據直隸巡撫李疏稱新城縣南關監生馬師援家於康熙四十一年四月初一日夜被劫夥賊六人已獲四名將疎防各官參送臣部議俟刑部核覆到日再議在案今准刑部咨開此案同夥六人已獲四名審係盜賊是真等因將原參各官照例免議未獲賊犯照案緝拏等因康熙四十二年六月二十一日題本月二十五日奉

旨依議

附巡道詳巡道劉德芳查得新城縣南關馬師援家被劫一案經本道取具疎防各官職名送參彙憲以關廂失事疎防照依村莊失事題參從前有無成案查明詳覆等因遵查新城縣北關房如蘭當舖於康熙二十九年正月二十八日夜被劫一案其詳參疎防併初恭年限以及覆參年限俱係照依村莊失事奉吏部議處復經覆賊過半即奉吏部開復銷案再查定州西關店內行客尹瑞等於康熙三十六年十一月初一日夜被劫一案其疎防年限俱係井陘道徑參外嗣奉吏部回咨亦係照依村莊失事以再限一年之限又滿賊犯仍未緝獲將定

州吏目于正坤等議處在案今新城縣南關馬師援家被劫事同一例相應詳請憲臺俯照原詳核參等因康熙四十一年閏六月初十日蒙部堂李批仰候核參繳

一刑部爲知照事雲南司據直隸巡撫李杏稱朱禹與所告衛霍架賊案內郭真食妻安插奉天居住之犯今伊祖母王氏稟稱我年八十八歲伊母孫氏年六十八歲老廢孤孀止遺一子家無以次成丁哀懇照例存留養親并取具地方官印甘各結等情前來查與定例相符應將郭真責四十板照律收贖准其存留養親其收贖銀兩業行解部可也康熙四十二年六月二十九日題七月初七日奉

旨知道了

一兵部爲欽奉

上諭事職方清吏司案呈奉本部送兵科抄出該本部彙題前事內開一件爲報明事查先經直撫李杏稱新城縣屬南官井村居住旗人胡大海家被劫一案夥賊九人已獲七名將原參各官咨請查議等因臣部議應俟刑部核覆到日再議在案今准刑部咨開此案夥賊九人止獲四名等因前來查此案獲賊未及一半原參疎防各官例應議處但事在康熙四十二年三月十八日

恩詔以前相應免議未獲賊犯仍令照案緝拏等因康熙四十二年七月初七日具題本月十二日奉

旨依議

附收贖部覆刑部爲慎刑奉有

恩綸等事山東清吏司案呈准吏部尚書管理直隸巡撫事務李杏稱免死減等流犯董立廷於上年十二月內因目疾重發調治不痊雙目失明取具印甘各結與篤疾之例相符應請收贖等因前來查董立廷係毆死董立揚擬絞候監候四十年秋審可於奉

旨免死減等之犯今該撫既稱董立廷雙目失明與篤疾收贖之例相符應照例收贖但董立廷事遇康熙四十二年三月十八日

恩赦免其收贖仍向董立廷名下追埋葬銀四十兩給付死者之家等因康熙四十二年七月十六日彙題二十二日奉

旨知道了

一刑部爲遵報事該本部會同禮部院寺會看得高正全等強姦謀殺馮根姐一案據吏部尚書管理直隸巡撫事務李光地審擬斬絞具題前來查馮之秋高正全高燦俱同村居住康熙四十一年六月二十八日馮之秋次女馮根姐送伊姊歸婆家高正全高燦路遇正全遂與燦商謀欲行強姦等候候根姐獨回正全高燦抱住拾入高糧地內剝褲強姦根姐叫罵不允聲言欲訴其父正全害怕未得成姦與高燦商謀欲將根姐殺死令燦按根姐之腿自投冒墮持鐮刀兩砍根姐項下立死該撫歷審各認情真據此高正全合依謀殺人造意者斬監候律應擬

斬高燦合依謀殺人從而加功者絞監候律應擬絞俱監候秋後處決再該撫疏稱馮根姐以十四歲幼女矢志貞潔寧甘身死不被強暴玷污應請旌表以維風化等語查婦女強姦不從以致身死者例應旌表今馮根姐強姦不從以致身死相應照例咨行該撫給銀三十兩聽本家自行建坊可也等因康熙四十二年七月二十二日題二十七日奉

旨高正全依擬應斬高燦依擬應絞俱著監候秋後處決餘依議

一刑部爲呈報事該本部會同院寺會看得據吏部尚書管理直隸巡撫事務李光地疏稱賊犯張五等殺死失主儲邦才一案緣逸賊張大用知儲邦才家道頗殷起意偷竊遂糾張五王大胖同夥共三人於康熙四十年六月二十八日夜各帶小刀鐵尺踰牆入室竊取衣服等物之際適邦才小便開門而出王大胖見而遂拾院中木棍擊打邦才賊犯張五聞聲出院亦拾棍毆打邦才邦才抱住張五張五呼救王大胖即以鐵尺毆邦才脊背張大用又以所佩小刀連扎邦才太陽等處竊取贓物分遁邦才傷重殞命本年七月二十九等日陸續竊獲張五王大胖歷審情真應將張五王大胖照竊盜臨時拒捕殺人律擬斬監候但先有竊盜王發才等拒捕勒死王氏復燒屍滅跡一案於康熙三十八年七月十九日

赦免在案今張五王大胖似應減等援

救擬流等因具題前來據此張五王太胖應照竊盜拒捕殺人者斬監候律應擬斬監候秋後處決但伊等事犯在康熙四十二年三月十八日赦前張五王太胖應免死減等食妻流三千里至配所各折責四十板仍追埋葬銀四十兩給付死者之家已獲贓物給還失主未獲之贓照例追賠其持刀連扎失主致死之逸賊張大用嚴緝獲日另結再張大用所分之賊伊叔張焯既稱並未窩藏應將張焯取保候放俟拿獲張大用之日審結其承審遲延各官已經題參議處毋容議等因康熙四十二年七月二十七日題八月初四日奉

旨依議

附流犯妻氏患病留養續解巡道梁世勳查得高陽縣申詳流犯田育柱之妻劉氏患病難以發遣請將育柱先行給咨起解一案經本道據文轉詳蒙憲批流犯不同妻氏起解今其先登是否合例仰即確查詳奪等因本道遵查康熙三十七年九月內撫寧縣免死盜犯王崐同妻王氏解部發遣行至縣境被蔭舖王氏舊病陡發遂行帶回後經該縣將王崐先行解部其妻王氏在籍調養直至三十九年二月二十日方始起解今田育柱之妻劉氏患病實與王氏雷養之例相符理合呈請憲臺俯賜照例將田育柱先行給咨發遣俟劉氏病痊之日另詳憲臺給咨著令劉氏親屬伴送到配俾劉氏一縷弱息不致告罄中途感沐憲恩同於再造矣等因

於康熙四十二年八月初五日蒙部堂李批田育柱仰候先行給咨發遣如劉氏患病果具取結送查繳

又八月一吏部為撫臣欺君等事看得王永義母朱氏叩

開巡撫齊世武一案嗣後如有地方惡棍巧稱合屬紳衿士庶保雷官員送達萬民衣幘轎傘建祠立碑者應將為首之人俱照光棍例治罪本官革職

一查開州賊犯張重子等於四十二年八月二十三日行劫王家村民張登煥家一案內監夥途斃宋秀宇等十名止將開州吏目并署大名府司獄事經歷及承審之開州知州許俊一併揭參其府道均因未經審理毋庸議

一刑部為報明事該本部會同院寺會看得強賊孫三等截劫行客羅光裕一案據吏部尚書管理直隸巡撫事務李光地審擬斬罪具題前來查首盜孫三起意為盜糾集王從嗣等同夥共十三人於康熙四十一年閏六月初三日至容城縣所屬白溝河地方撞遇行客羅光裕主僕騎驢而來孫三遂喝令各賊把風搶路劫其銀衣等物而通當被管兵吳彪等趕追罕獲該撫歷審各認情真孫三李三張良勝孟國王之勇李成殿郭成俊合依凡強盜已行而但得財者不分首從皆斬律均應斬立決已獲贓物給還失主未獲贓物將各盜家產變賠再該撫疏稱秀金王堅供係王從嗣雇伊跟隨並未上盜

分贓衆供會同但王從嗣現今脫逃未獲無從質訊應將秀金王監候俟獲王從嗣之日質明定擬等語秀金王監候俟將逃賊王從嗣鄧福為高一魁楊二鄧文珠嚴緝獲日另結等因康熙四十二年九月初六日題十一日奉

旨孫三著即處斬李三張良勝孟國王之勇李成殿郭成俊俱從寬免死照例減等發與黑龍江新滿洲披甲之人為奴務期嚴押解到餘依議一刑部為報明事會看得強賊李四等截劫三河縣屬馬起乏西地方旗人六兒伊忒諾一案據直撫李光地審擬斬罪分別援

赦具題前來查旗僕李四隨身無資遂糾合耿七李禿子為盜因無馬匹潛盜劉三廐內馬三匹至寶坻縣地方演試將不能馳騁馬三匹入在野地所放馬羣內換易三匹而回復邀劉裕祐許麻子陳五同夥共六人於康熙四十一年九月十五日黎明時候李四劉裕祐許麻子各騎馬匹執持弓箭鳥鎗前去耿七李禿子陳五各帶腰刀隨後步行遇六兒伊忒諾截劫車上馬匹并伊忒諾銀衣等物分贓而散十月初九日陸續拿獲李禿子等四犯康熙四十二年三月十九日許麻子投首該撫歷審各認情真據此除李四等偷馬輕罪不議外李四劉裕祐俱合依凡竊馬強盜執有弓矢軍器白日邀劫道路賊証明白俱不分人數多寡會否傷人依律處決於行劫之處梟首示衆律應斬立決梟示耿七李禿子截劫時止執刀步行無馬匹弓矢耿

七李禿子俱合依凡強盜已行而但得財者不分首從皆斬律均應斬立決許麻子合依知人欲告而自首者減罪二等律應杖一百徒三年但許麻子事犯在康熙四十二年三月十八日赦前應免罪寄頓贖物之李二係李四胞弟於法得相容隱應免罪王四高五審不知情均毋容議已獲贓物給還失主未獲贓物將各盜家產變賂逸賊陳五嚴緝獲日另結再查旗僕李四等爲盜伊等之主均應照例治罪但事亦犯在赦前均應免議等因康熙四十二年十月初九日題十一日奉

旨李四著即處斬梟示劉裕祐耿七李禿子俱從寬免死照例減等發與黑龍江新滿洲披甲之人爲奴務期嚴押解到餘依議

一刑部爲同明存案事該本部會同院寺會看得賊犯程現等發掘墳塚一案准吏部尚書管理直隸巡撫事務李光地審擬絞徒杖罪援赦具題前來查程現并脫逃之劉高均屬乞丐常在張子亮家住宿程現見旗人齊鳴鳳之父出殯知其家資殷實棺殮必厚遂向劉高張子亮商議創墳劉高張子亮俱各允從於康熙四十四年十二月二十八日夜程現劉高執持斧械前往創墳子亮因病初愈未曾同行止有程現劉高二人至埋屍地方輪替創掘看見棺槨遂用斧撬開棺蓋剝取衣服等物仍盜棺槨土攜賊至于亮家內子亮止留綴帶一條餘物程現等當錢持至張子亮家公用劉高因先會李孫天

奉布襖一件將所偷汗巾抵還且告以創墳所得之語天奉酒醉嚷嚷洩被鄉地扈士才查問子亮以劉高醉語支飾後士才復行細詰子亮即持伊所分綴帶投縣該撫歷審各認情真程現合依發掘他人墳塚開棺見屍者絞監候律應擬絞監候同謀分贓之張子亮應照發人墳塚未至棺槨者杖一百徒三年律應杖一百徒三年明知盜賊而收蓄之孫天奉并聞知盜墳不即首報之扈士才均合依不應重律杖八十但程現等事犯在康熙四十二年三月十八日赦前程現應免死減等發流三千里至配所杖一百折責四十板張子亮等均應免罪所獲贓物給還失主未獲之贓照例追賠逸賊劉高嚴緝獲日另結等因康熙四十二年十月十三日題十六日奉

旨依議

一刑部爲打死兄命事該本部會看得據直隸李光地疏稱交河縣居住廂白旗盧起龍佐領下人王文學於康熙四十一年四月間會浼交河縣民董成文賒麥二石價未清楚旋赴京都成文令子向文學之妻索討無償彼此爭鬪後文學回家伊妻告知於閏六月二十九日文學令伊婿于二清與成文至家究問爭嚷文學執持鐵流星亂擊又喝令伊僕王從德執棍同毆于二清復用脚踢文學又以剪刀挑其腿筋以致成文顛腦腦後致命等處受傷深重越九日身死歷審各認不諱將王文學擬絞王從德擬

軍于二清擬杖等因援

赦具題前來王文學等賒麥不還打死董成文傷痕甚多但越九日身死據此王文學合依威力主使人毆打致死者以主使之入爲首絞監候律應擬絞監候秋後處決王從德合依共毆人執持兇器亦有致命傷痕者發邊衛充軍例應充軍于二清合依餘人律應杖一百但伊等事犯在康熙四十二年三月十八日

赦前王文學應免死減等發流三千里至配所責四十板係旗人應枷號兩個月鞭一百仍於王文學名下追埋葬銀四十兩給付屍親王從德于二清均應免罪可也等因康熙四十二年十月二十日彙題二十四日奉

旨知道了

一刑部爲同明事該本部會看得據吏部尚書管理直隸巡撫事務李光地疏稱王鎬係私鑄爲從擬絞奉

旨免死暫留養親侯伊母故後仍行發遣之犯應否援

赦免其發遣之處先經咨請部示准咨行令具題到日再議今王鎬所犯情罪應請援免等因具題前來查王鎬係奉

旨免死暫留養親侯伊母故後仍行發遣之犯今該撫既稱王鎬所犯與康熙四十二年三月十八日赦款相符應准援赦免其發遣等因康熙四十二年十月二十九日題十一月初六日奉

旨知道了

又十一月一刑部為知會事雲南清吏司案呈查得強盜案件關係甚重近見各省盜案將動手傷人或捆縛用火燒炙之強盜姓名于貼黃內往往不行聲明以致部議難以分晰相應行文直隸各省凡強盜案件定擬具題于貼黃內務將動手傷人捆縛火炙之強盜姓名並用何器械傷人之處詳細分晰聲明可也

又十一月一偏撫趙題鄧奇生毆死王文先一案經三法司議覆鄧奇生照律絞抵監候奇生之母吳氏因咬傷文先脫膊應照律擬杖但吳氏年已八十相應免罪吳氏家無以次成丁將鄧奇生所犯罪名并應侍緣由開列具題奉旨鄧奇生依擬應絞著監候秋後處決凡罪犯存留養親必其親係無罪可憫之人方可奏請留養前有明旨這案吳氏咬傷王文先亦係有罪之人今將鄧奇生引存養例奏請殊屬不合著飭行

又十一月一吏部為欽奉

恩詔事考功清吏司案呈准浙撫張咨稱盜犯賴雲等收禁太平縣監越獄脫逃一案年限已滿仍無弋獲將承緝太平縣典史陳天猷等覆奏前來應將太平縣典史陳天猷知縣何有略均照例議處但事在康熙四十二年三月十八日赦前相應免議未獲逃犯照案緝拿再該撫咨稱部咨內未經指明

赦前越獄之案亦予免參之語詳請咨部示奪等

語查先經直撫李咨稱

赦前盜案年限滿日免其逐案咨參等因本部通行直省在案嗣後

赦前越獄限滿之案亦照盜案限滿免其逐案咨參相應通行直隸各省督撫知照可也

一刑部議覆山東一件稟報事會同吏部院寺會看得強賊范二等行劫壽光縣劉家莊居民高尚仁家一案據東撫王審擬斬罪具題前來查逸賊國光大起意糾約范二等又糾約丁福會不允國光大與范二等同夥六人在窩主張崇錫家聚會商謀為盜國光大說出素知高尚仁家道殷實光大帶范二等於康熙四十一年七月二十八日夜二更時分各持刀行劫高尚仁家失主之妻朱氏知覺國光大遂用刀砍傷朱氏額顙等處劫得衣服等物仍至張崇錫家分贓而散朱氏傷重於次日身死經丁福會出首於九月初九日將范二等陸續拏獲該撫歷審各供情真除窩主張崇錫盜犯張景取供後病故不議外范二劉四劉福安合依強盜殺人問曾否得財皆斬梟示律均應斬立決梟示丁福會雖知盜情已經出首應無容議已獲之賊給還失主未獲之賊將各盜家產變賠逸賊國光大劉三嚴緝獲日另結再該撫疏稱監斃窩主張崇錫之管獄官係壽光縣典史朱世法事在

赦前似應寬宥至賊犯張景患病壽光縣知縣陳良治違例差押在外調治病故應將陳良治一併附參聽候部議等語應將監斃窩主之壽光縣典史朱世法依例議處但事犯在康熙四十二年三月十八日

併附參聽候部議等語應將監斃窩主之壽光縣典史朱世法依例議處但事犯在康熙四十二年三月十八日

赦前相應免參再該撫疏稱知縣陳良治將張景差押在外調治病故查定例內遞解各項犯人中途病故未取患病印結死一二名者將倉差之官罰俸一年應將陳良治罰俸一年查有紀錄六次應銷去紀錄二次免其罰俸等因康熙四十二年十一月二十八日奉

旨范二劉四劉福安俱著即處斬梟示餘依議

一刑部為報明事該本部會同院寺會看得范有青扎死白上忠一案據吏部尚書管理直隸巡撫事務李光地審擬絞杖援

赦具題前來查范有青之父在時會借白上忠糧食未償身故范有青言明備工抵償於康熙四十四年五月初六日有白上忠之親王德學因向范有青算減工價以致兩相爭角當眾勸散次早白上忠途遇范有青復行追打范有青奔回上忠復行趕毆有青有青情急即取小刀恐嚇上忠復又撲打以致扎傷上忠心坎逾時身死該撫歷審自認情真據此范有青合依鬪毆殺人者不問手足他物金刃並絞監候律應擬絞監候秋後處決起釁之王德學合依不應重律杖八十但伊等事犯在康熙四十二年三月十八日

赦前范有青應免死減等食妻流三千里至配所責四十板仍追埋葬銀四十兩給付死者之家

王德學應免罪再該撫疏稱承審遲延之員已  
經題案在案應毋庸議等因康熙四十二年十  
一月二十七日彙題十二月初五日奉  
旨知道了

一刑部爲呈報事該本部會同院寺會看得據  
吏部尚書管理直隸巡撫事務李光地疏稱旗  
人高玉等打死民人劉自明一案緣劉自明借  
高玉秋糧五斗言定傭工償還康熙四十一年  
閏六月十五日高玉之壯丁王大喚自明往造  
車處所扯鑽自明推辭王大奔訴伊主高玉聞  
言忿怒即至自明之家毆罵因自明不遜高玉  
令王大將劉自明抱住舉棍打傷自明後助等  
處王大亦打傷自明左手腕越九日身死歷審  
情真將高玉等擬以絞杖援

救具題前來據此高玉合依共毆人因而致死者  
以致命傷爲重下手者絞監候律應擬絞監候  
秋後處決王大合依餘人律杖一百不行勸阻  
之馬福瑞合依不應重律杖八十但伊等犯在  
康熙四十二年三月十八日

赦前高玉應免死減等杖一百流三千里係旗人  
枷號兩個月鞭一百仍追埋葬銀四十兩給付  
死者之家王大馬福瑞均免死脫逃之馮二英  
應免緝等因康熙四十二年十二月初五日題  
十一日奉

旨知道了欽此時值隆冬歲暮相應移咨該撫將高  
玉就近發理事同知衙門枷責免其解部可也  
一吏部爲移查事查得兵部咨稱吏部尚書督

直撫事李以都察院行長蘆鹽院公文於康熙  
四十二年十二月二十二日自通州遞至河西  
驛舖司顧守智將公文遺落火盆燒燬懼罪隱  
匿不報顧守智應照律杖徒將失於查報之武  
清縣知縣章會印等指參原抄移送吏部議處  
等因前來應將武清縣知縣章會印河西驛驛  
丞李瑤等均應照例罰俸三個月奉

旨依議  
將顧守智等交吏部議處  
二年半之罪律詳院

又十二月一刑部會同院寺看得來訊據正黃  
旗二哥佐領下護軍常保家人端午兒供這已  
死呂愷鐸原在我家相近彼此時常戲頑今年  
九月二十五日晚我趕了車從李漢宗酒店  
經過看見呂愷鐸我把鞭子插在腰裏進店內  
與呂愷鐸互相戲頑我踢了他一脚呂愷鐸就  
拿住我我們又互相戲撲呂愷鐸力大將我推  
倒我側倒呂愷鐸壓著我用力太過被我帶的  
鞭杆子穿透呂愷鐸腮頰戳著咽喉次日五更  
時分身死是實自行招認驗看傷痕已死呂愷  
鐸左腮頰一處有尖物木器傷深入內喉肚膈  
有脚踢傷一處據此端午兒合依因戲而殺人  
者以鬪殺論應擬絞監候秋後處決奉  
旨端午兒因相戲誤傷從寬免死照例減等發落餘  
依議

工部則例康熙四十二年一工部覆直撫李疏  
稱永定河兩岸設有分司二員正筆帖式十八  
員副筆帖式十八員俟今年限滿後其需用錢

員之處令分司自行酌量揀選呈明具題未爲  
額設此外俱行裁去請定處分前來除限滿正  
副筆帖式三十六員應行令分司酌量揀選具  
保呈明該撫題定額設其餘俱行裁去外如分  
司將才具不堪年幼未諳之人混行保補貽誤  
河工者該撫查參照保薦不實例降二級調用  
查定例官員應給民價不速給遲延者罰俸一  
年半給半不給者降二級調用竟不給者革職  
等語如分司遇搶修緊要之時雇覓人夫採買  
物料不速給價或半給或不給者該撫題參到  
部照此例議處又定例官員奉修沖決地方催  
夫不發或將柳埽椿木等物不行速買解送以  
致遲誤者降一級調用等語沿河州縣官雇備  
採買物件怠玩推諉貽誤者分司揭報該撫題  
參到部降一級罰俸一年其北岸分司色圖渾  
南岸分司齊蘇勒此二員恭候

皇上裁去一員奉  
旨色圖渾著裁去餘依議

欽定古今圖書集成經濟彙編刑典

第七十二卷目錄

律令部彙考五十八

皇清 卷一 則

祥刑典第七十二卷

律令部彙考五十八

皇清

康熙四十三年

吏部則例康熙四十三年正月二十五日准咨

一刑部為發審事陝西清吏司案呈准直撫李光地咨稱涇水縣旗人飄得官之妻龔氏砍死烏子緣由一案准部發審於康熙四十二年七月十四日地方朱甫奇等首報之日扣限六個月審結相應咨明等因前來據此應移咨該撫於朱甫奇等首報之日扣限起作速審擬具題可也

一刑部為發審事浙江清吏司案呈先准直撫李咨稱行劫涿州王應試當舖賊犯張枝盛於康熙四十二年正月初三日投首扣至四十二年二月十二日限滿但此案賊犯李八賈三旺現在保定府蠡縣祁州質審無憑審訊應俟彼案審明題結之後將賊犯押發涿州之日扣一

# 中國歷代法制典

第七十二卷 律令部

年之限審擬咨明前來本部以並非隔省提人不便以人文到日扣限行令該撫照張枝盛投首之日扣限審明具題等因咨行去後今該撫咨稱承審盜案如本案已經獲賊而夥賊或被別案羣獲俱以夥賊到案之日扣限審結如大興縣齊仲銀香河縣楊文治家被劫之案俱以盜犯到案之日扣限審結咨明奉部允准今涿州王應試家被盜之案與大興香河之案事同一例擬合再請以賊犯李八賈三旺到案之日起扣限審結等因前來查涿州王應試家被盜一案該撫既稱與大興縣齊仲銀香河縣楊文治家被劫盜犯俱以解到之日扣限審結相同將王應試家被劫一案應准以李八賈三旺解到之日扣限審結定擬具題可也

一吏部覆廣督郭題嗣後殘廢官員交代陞任領憑新選教職領憑起解免死減等軍流等犯歸旗官員起程以及審理命案一切事件俱照隔省之例各展限兩個月等因前來應如所題將陞任官員領憑於展限一個月之外再展限一個月教職領憑於一月正限之外再展限一個月起解各項犯人於兩月正限之外再展限兩個月命案以六個月正限之外再展限兩個月奉

旨依議

一直隸巡道詳查得胡樂雍自抹身死一案先經陞道奉憲批飭令理事廳會同津軍廳審解嗣因例限已滿未據審明確覆隨經陞道劉泰

政將該應等會審遲延職名呈送核參於康熙四十二年二月初八日奉有吏部議處回咨行知遵照在案於本年四月內理事廳呈稱此案若非行提正犯徐天時並要犯王氏研審明確難以應定呈請分別咨提發審經本道於轉詳文內聲明俟徐天時到案之日扣限一併詳請咨明在案今查徐天時王氏於本年七月十四日奉憲准刑部咨發若扣四個月之限則至十一月十四日限期已滿第此案正犯於七月十四日奉部發到以本道管見似應於人犯到案之日仍扣六個月限期承審完結庶上下各官得免無辜參處實為妥便詳奉院批仰查舊案成例安議詳奉該巡道覆查得徐天時等實係此案緊要人犯雖從前業已參過遲延而要犯實於參後始行到案是以詳請扣六個月之限完結案批查成例詳奉遵查有鄭州章兒毆死衛聲一案係衛有昇咨部投到之日扣限六個月似與此案相符相應詳覆俾照前詳批示遵行院批仰候咨明繳四十二年十二月二十四日准刑部貴州清吏司咨允以徐天時到案之日扣限可也前案因審係胡樂雍調戲孀婦王氏不允懼罪自抹將徐天時照因事威逼致死遇赦免罪仍斷追埋葬銀兩等情經巡道詳解批院查屍姪胡淙曾在陞道劉泰處廣告係被殺身死難以止據天時一面之詞徑行銷案但被証人等既堅供胡樂雍係因圖姦自盡目下又難深求仰將現在犯証取保候省候仍飭勒緝

八四一